



Broj: 01-07-10-51-252/2024
Sarajevo, 19.11.2024. godine

Internacionalni univerzitet u Sarajevu
Pravni fakultet
Hrasnička cesta 15
71210 Ilidža

Predmet: Postupanje po zahtjevu za pristup informacijama - obavijest da se podnesak ne smatra zahtjevom, dostavlja se

Veza: Vaš zahtjev od 11.11.2024. godine

Poštovana,

Visoko sudsko i tužilačko vijeće Bosne i Hercegovine (u daljem tekstu: VSTV BiH) je 11.11.2024. godine zaprimilo Vašu elektronsku poruku kojom tražite dostavu podataka o pravosnažno okončanim predmetima u vezi sa krivičnim djelima iz članova 229., 230., 231. (7), 232., 233. i 240. i Krivičnog zakona Federacije Bosne i Hercegovine, članova 197., 198., 199. i 200. Krivičnog zakonika Republike Srpske i članova 225., 227. i 234. Krivičnog zakona Brčko distrikta Bosne i Hercegovine.

S tim u vezi, u skladu sa članom 26. stav (2) tačka e) Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; u daljem tekstu: Zakon), obavještavamo Vas da se Vaš podnesak ne smatra zahtjevom u smislu člana 23. stav (6) Zakona, koji glasi: „*Zahtjevom za pristup informacijama ne smatra se: davanje mišljenja, objašnjenja ili uputa vezano uz ostvarivanje nekog prava ili izvršavanje obaveze, izrada analize ili tumačenje nekog propisa, kao ni stvaranje nove informacije*“, zbog čega Vijeće nije u mogućnosti da dostavi podatke tražene Vašim zahtjevom.

Imajući u vidu da Vijeće ne posjeduje informacije navedene u ovoj obavijesti na način i u formatu traženom zahtjevom, te da bi kreiranje istih zahtijevalo dodatne analize, odnosno podrazumijevalo proces stvaranje novih informacija, postupljeno je na gore opisani način, u skladu sa odredbama Zakona.

Napominjemo da su na web stranici VSTV-a BiH <https://vstv.pravosudje.ba> objavljeni određeni podaci o svim krivičnim djelima, fazama krivičnog postupka i donesenim presudama, po predmetima i po licima, na način da su u Excel tabelama „Struktura kriminala“, razvrstani po godinama, i isti su dostupni na linku: <https://vsts.pravosudje.ba/vstvfo/B/141/kategorije-vijesti/1198/1363/114475>.

Pouka o pravnom lijeku: Protiv ove obavijesti može se podnijeti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema ovog dopisa.



Predsjednik

Halil Lagumdžija

Dostavljeno:

1. Naslovu
2. U spis